

THE THIRD EPISTLE OF JOHN

¹ Shíí, ínashood básízíni, Gaius shíł nzhóni bich'í' k'e'eshchii, án da'aniiigo shíł nzhqo. ² Shíł nzhóni, niyi'siziiníí dá nłt'éé nt'éégo át'ééhíí k'ehgo dawa ná nzhqogo ła'íí doo nígol'íh dago ná háshł'íí. ³ Nohwik'isyú ła' kú hikaigo, da'anii ágot'éhi bikísk'eh hínáángo yaa nadaagoln'i'híí bighą dązhq shíł gozhqó. ⁴ Odlą' bee shichągháshé daanłni da'anii ágot'eehíí yikísk'eh hikaahíí ba'ikonsįgo dązhq shíł gozhqó, bitisgo baa shíł gozhóóníí she'ádįh. ⁵ Ni, shíł nzhóni, nohwik'isyú ła'íí anahdí' nadaakaihíí bich'odaanniihíí da'anii nłt'éégo ánt'íni at'éé; ⁶ Hagot'éégo bich'odaanniihíí ha'ánázéh yuņe' yaa nadaagoln'i': Bik'ehgo'ihí'nań yá nada'iziidgo nadaakaihíí dahnádiikáhgee bich'odaanniiigo dawa bá łaadaalé'go nłt'éégo ánt'íni at'éé, Bik'ehgo'ihí'nań yánada'iziidíí ái k'ehgo bá ách'ít'íįgo nzhqo. ⁷ Christ yaa nadaagoln'i'híí bighą dahiskai, nņee Bik'ehgo'ihí'nań doo daayokaąh dahíí doo nt'é yídaayokéedgo da. ⁸ Bik'ehgo'ihí'nań yánada'iziidíí nłt'éégo ádaanłzi le', ágádaahiit'įyúgo néé ałdó' da'anii ágot'eehíí yánada'iziidíí bich'odaahi'ņii. ⁹ Ínashood ha'ánáłséhíí bich'í' k'eshełchíí: ndi Diótrepheš, itah nłni, ínashood binant'a' hishłeeh nzięo ádést'íni, doo nohwídaayést'sąą da ni'. ¹⁰ Áí bighą shíí níyáágo bi'at'e'i bínashņiih doleeł, yati' nchq'i yee nohwich'í' yałti', daanohwoch'įidgo: ái doo bił hwoi dago, dabíí nohwik'isyú doo yich'onii hát'íí da, ła'íí hadíí hádaat'iiníí, Dah, yiłņii, ádíí' doo itah hileehi yá hát'íí da. ¹¹ Shíł nzhóni, nchq'íí doo be'į'íí da, nłt'ééhíí zhą be'į'íí. Hadín nłt'éégo ánát'įįłíí Bik'ehgo'ihí'nań bits'ą'dí'hi at'éé: áídá' doo bik'ehyú ánát'įįł dahíí Bik'ehgo'ihí'nań doo yígółsį da. ¹² Demétrius nņee dawa nłt'éégo baa yałti', da'anii ágot'eehíí ye'at'éhi ch'í'nah áyįłsį, néé ałdó' nłt'éégo baa nagohiiln'i', baa nagohiiln'i'íí da'anii, bídaagonołsį. ¹³ Łąągo k'e'eshchii doleeł ni', ndi bek'e'echíhé doo bee nich'í' k'e'eshchii da: ¹⁴ Áídá' déł'įhégo nándestsééł ndi at'éé, hihit'įįgo iłch'í' yáhiilti' doleeł. Iłch'į'gont'ééhíí bee nich'í' goz'ąą le'. Nohwit'ekéhíí, Gozhqó, daaniłņii. Akú nohwit'ekéhíí dała'á daantíįgee bizhi' daahónzhiigo, Gozhqó, shá daabiłnņii.